

Na osnovu člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj 104/22), a u skladu sa Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima, broj: 11-07/01-11-1134-1/23 od dana 25.04.2023. godine i izmjena Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima 11-07/01-11-1134-2/23 od 11.05.2023. godine, Školski odbor na sjednici održanoj dana 08.12.2023. godine d o n o s i

P R A V I L N I K A
O VLASTITIM JAVNIM PRIHODIMA
JU CENTAR ZA SLIJEPU I SLABOVIDNU DJECU I OMLADINU SARAJEVO

I OPĆE ODREDBE

Član 1.
(Predmet pravilnika)

- (1) Ovim Pravilnikom utvrđuju se vrste vlastitih prihoda, pravni osnov ostvarivanja, te namjenu i način trošenja vlastitih javnih prihoda JU Centar za slijepu i slabovidnu djecu i omladinu Sarajevo (u daljem tekstu: Centar).
- (2) Pravilnik o vlastitim javnim prihodima JU Centar za slijepu i slabovidnu djecu i omladinu Sarajevo (u daljem tekstu: Pravilnik) se donosi u skladu sa članom 9. Pravilnika o vrstama vlastitih javnih prihoda u Federaciji Bosne i Hercegovine (“Službene novine Federacije BiH”, broj 104/22) i Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima, broj: 11-07/01-11-1134-1/23 od 25.04.2023. godine i izmjena Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima broj: 11-07/01-11-1134-2/23 od 11.05.2023. godine.

Član 2.
(Pojam vlastitih javnih prihoda)

- (1) Vlastiti javni prihodi koje ostvari Centar su javni prihodi Budžeta Kantona Sarajevo, a raspoređuju se u skladu sa Smjernicama navedenim u članu 1. stav (2) ovog Pravilnika.
- (2) Pod vlastitim javnim prihodima u smislu ovog Pravilnika podrazumijevaju se prihodi koje Centar ostvaruje obavljanjem osnovne djelatnosti i ostalih poslova na tržištu.
- (3) Pod vlastitim prihodima Centra podrazumijevaju se svi ostvareni javni prihodi koji ispunjavaju kriterij za utvrđivanje javnih prihoda definisanih članom 4. stav (1) i (3) Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj 104/22).

Član 3.
(Pravni osnov ostvarivanja)

Pravni osnov za ostvarivanje vlastitih javnih prihoda je:

- a) Zakon o osnovnom odgoju i obrazovanju
- b) Zakon o srednjem obrazovanju;
- c) Pedagoški standardi i opći normativi za osnovni odgoj i obrazovanje i normativi radnog prostora, opreme, nastavnih sredstava i učila po predmetima za osnovnu školu i Pedagoški standardi i normativi za srednje obrazovanje.

Član 4.
(Način uplate vlastitih javnih prihoda)

- (1) Uplata i evidentiranje vlastitih javnih prihoda vrši se u skladu sa Pravilnikom o vrstama javnih prihoda u Federaciji Bosne i Hercegovine („Službene novine FBiH“, broj 104/22) i Uputstvom o izvršavanju budžeta sa Jedinstvenog računa Trezora („Službene novine Federacije BiH“, broj 34/16).
- (2) Prihodi se uplaćuju na depozitni račun Budžeta Kantona Sarajevo, a mogu se naplaćivati i u gotovini.
- (3) Škola je dužna vlastite prihode ostvarene gotovinskim plaćanjem uplatiti na depozitni račun najkasnije sljedećeg radnog dana od dana naplate istih.

II STICANJE VLASTITIH JAVNIH PRIHODA

Član 5.
(Vrste vlastitih javnih prihoda)

Pod vlastitim javnim prihodima u smislu ovog Pravilnika podrazumjevaju se prihodi koje Centar ostvari od:

- a) realizacije obrazovanja vanrednih kandidata/učenika,
- b) pružanja usluga učenicima za produženi/cjelodnevni boravak,
- c) internatski smještaj koji uključuje određen stepen zdravstvene njege,
- d) izdavanje prepisa/duplikata dokumenata,
- e) izdavanja opreme i prostora u zakup,
- f) prodaja otpadnog materijala,
- g) realizacije pedagoško-metodičke prakse studenata (hospitovanje) i
- h) kopiranja i uvezivanja pisanog materijala.

Član 6.
(Naknada za realizaciju usluga)

Naknade za realizaciju usluga iz člana 5. ovog Pravilnika utvrđuju se kako slijedi:

- a) sticanje srednjeg obrazovanja
-

- | | |
|--|------------------------|
| - upisnina za školsku godinu | 55,00 KM |
| - instruktivna nastava za grupu od 10 i više kandidata (po času) | 5,00 KM |
| - instruktivna nastava za grupu do 10 kandidata (po času) | 10,00 KM |
| - ispit bez pismenog dijela | 33,00 KM |
| - ispit sa pismenim dijelom | 45,00 KM |
| - ispit iz praktične nastave | 45,00 KM |
| - maturalni/završni ispit sa praktičnim dijelom | 80,00 KM |
| - troškovi praktične nastave-grupacija škola zdravstvenog smjera (izuzev stručnog zvanja zubotehničar) | 33 KM |
| - troškovi smještaja učenika u internat Centra | 423,40 KM (x9 mjeseci) |
- b) produženi/cjelodnevni boravak za grupe učenika (naknada po učeniku) je 156,00 KM.
- c) izdavanje izvoda iz nastavnog plana i programa 66 KM
- d) izdavanja opreme i prostora u zakup:
- izdavanje opreme i prostora u zakup, kao i visinu naknade za zakupninu utvrđuje školski odbor, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.
- e) visinu naknada za ostale usluge koje realizuje Centar navedenih u članu 5., a za koje u ovom članu nije navedena cijena istu utvrđuje školski odbor

III RASPODJELA VLASTITIH JAVNIH PRIHODA

Član 7.

(Podaci za uplatu vlastitih prihoda)

Vlastiti prihodi ostvareni shodno odredbama ovog Pravilnika u cjelosti se raspoređuju Centru kako slijedi:

Depozitni račun: 1411965320008475

Budžetska organizacija: 2103034

Član 8.

(Planiranje i raspolaganje vlastitim javnim prihodima)

- (1) Ostvareni vlastiti javni prihodi, u cjelosti se raspoređuju Centru.
 - (2) Centar je dužan, na osnovu planiranih vlastitih prihoda, planirati i rashode koje će pokriti iz tih prihoda.
 - (3) Vlastite prihode iz člana 5. ovog Pravilnika, Centar će koristiti za pokriće izdataka nastalih obavljanjem tih poslova, a ostatak za tekuće i kapitalne izdatke.
 - (4) Vlastiti prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.
-

Član 9.
(Način raspodjele ostvarenih vlastitih javnih prihoda)

Ostvareni vlastiti prihodi se raspoređuju shodno ovom Pravilniku kako slijedi:

- a) Prihodi koje budžetski korisnik ostvari po osnovu realizacije akreditovanih programa obrazovanja odraslih raspoređuju se za pokriće troškova realizacije programa obrazovanja odraslih, a u skladu sa Odlukom školskog odbora, a po osnovu realizacije obrazovanja vanrednih kandidata/učenika raspoređuju se na sljedeći način:

- 60% za naknadu radnicima koji su sudjelovali u realizaciji poslova;
- 20% za izdatke za materijal, sitan inventar i usluge i tekuće transfere i
- 20% za nabavku stalnih sredstava.

60% naknade radnicima koji su sudjelovali u realizaciji poslova iz tačke a) ovog stava će se raspodjeliti kako slijedi:

- direktor 22%,
- sekretar 18%
- 40% predavačima instruktivne nastave
- 20% članovima komisije

Procenti koji se odnose na ukupna sredstva ostvarena po svakom osnovu u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznos).

- b) prihodi koje budžetski korisnici ostvare po osnovu izdavanja izvoda iz nastavnog plana i programa raspoređuju se na sljedeći način:

- 40% za materijalne troškove, tekuće održavanje i nabavku opreme;
- 30% za naknadu radnicima koji su sudjelovali u realizaciji poslova i
- 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.

30% naknade radnicima koji su sudjelovali u realizaciji poslova iz tačke a) ovog stava će se raspodjeliti kako slijedi:

- direktor 33,33%,
- sekretar 33,33%
- administrativni radnik 33,33%.

Procenti koji se odnose na ukupna sredstva ostvarena po svakom osnovu u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznos).

- c) prihodi koje budžetski korisnik ostvari po osnovu reklamno-propagandnih usluga, izdavanja opreme i prostora u zakup, kopiranja i uvezivanja pisanog materijala raspoređuju se na sljedeći način:

- 70% za materijalne troškove, tekuće održavanje i nabavku opreme,

- 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- d) prihodi koje budžetski korisnik ostvari po osnovu prodaje otpadnog materijala, raspoređuju se na sljedeći način:
- 20% za materijalne troškove, tekuće održavanje i nabavku opreme i
 - 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

IV PRAĆENJE NAPLATE I RASPOREĐIVANJE VLASTITIH JAVNIH PRIHODA

Član 10.

(Praćenje naplate i pravovremenost raspoređivanja vlastitih prihoda)

- (1) Centar je dužan da redovno prati, putem izvještaja koji dobije od Ministarstva finansija, dospjelost i naplatu vlastitih javnih prihoda.
- (2) Centar je odgovoran za potpuno i pravovremeno uplaćivanje vlastitih prihoda na depozitni račun, putem računovodstvene službe centra ili pravnog lica koje za Centar obavlja poslove računovodstva.
- (3) Centar je dužan da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V KONTROLA UTROŠKA VLASTITIH PRIHODA

Član 11.

(Izvještaj o utrošku)

- (1) Centar je dužan najmanje jedanput u 6 (šest) mjeseci Ministarstvu za odgoj i obrazovanje KS dostaviti Izvještaj o ostvarivanju i utrošku vlastitih javnih prihoda.

VI ZAVRŠNE I PRIJELAZNE ODREDBE

Član 12.

(Prestanak važenja dosadašnjeg Pravilnika)

Stupanjem na snagu ovog Pravilnika prestaje da važi dosadašnji Pravilnik o kriterijima za sticanje i raspodjelu vlastitih javnih prihoda JU Centar za slijepu i slabovidnu djecu i omladinu Sarajevo broj: 05-0302-3-100/22 od 24.03.2022. godine.

Član 13.
(Izmjene i dopune)

Izmjene i dopune ovog Pravilnika vrše se na način i po postupku predviđenom za njegovo donošenje.

Član 14.
(Stupanje na snagu)

Ovaj Pravilnik stupa na snagu danom usvajanja, a nakon pribavljene saglasnosti Vlade Kantona Sarajevo i objavljuje se na oglasnoj tabli i web stranici JU Centar za slijepu i slabovidnu djecu i omladinu Sarajevo.

Broj: 05-1252-1/23

Datum: 08.12.2023. godine

Predsjednica Školskog odbora



Senada Krupalija



Bosnia and Herzegovina
Federation of Bosnia and Herzegovina
CANTON SARAJEVO
Government

Bosna i Hercegovina - Federacija Bosne i Hercegovine
KANTON SARAJEVO
JAVNA USTANOVA CENTAR ZA SLIJEPU I
SLABOVIDNU DJECU I OMLADINU
SARAJEVO

Broj: 07-0252/24

Datum: 19.03. 2024 godine

Broj: 02-04-7734-21.10/24
Sarajevo, 07.03.2024. godine

Na osnovu člana 26. i čl. 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćen tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj: 104/22) Vlada Kantona Sarajevo, na 15. sjednici održanoj **07.03.2024.** godine, donijela je

ODLUKU
O DAVANJU SAGLASNOSTI NA PRAVILNIK O VLASTITIM JAVNIM
PRIHODIMA JAVNE USTANOVE „CENTAR ZA SLIJEPU I SLABOVIDNU
DJECU I OMLADINU“ SARAJEVO

I

Daje se saglasnost na Pravilnik o vlastitim javnim приходима Јавне установе „Centar za slijepu i slabovidnu djecu i omladinu“ Sarajevo, broj: 05-1252-1/23 od 08.12.2023. godine.

II

Ova odluka stupa na snagu danom donošenja i objavit će se u "Službenim novinama Kantona Sarajevo".

PREMIJER

Nihad UK



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
- ⑥ Javna ustanova „Centar za slijepu i slabovidnu djecu i omladinu“ (putem Ministarstva za odgoj i obrazovanje Kantona Sarajevo),
7. Za objavu u "Službenim novinama Kantona Sarajevo",
8. Evidencija,
9. A r h i v a.